

ինքն՝ Խօջայ Մէլիք Աղային եւ կողակցին իւրոյ Նաշխունի, եւ որդոցն Միքայէլին, Աղա Խաչիկին, Սինանին, եւ Բազումին, եւ քեռսոցա Սօլթանիաչէ, երկու Մէլիքնազին: Արդ ես Աղա Խաչիկս, որ հռչակեալ Պզտիկ աղաս եմ, իմ յօժարութեամբն եւ այլ վարիսներով (ժառանգորդներով) այս հինգ զիրս ընծայ եւ վախմ (վագֆ) արարաք Սր. Ամենափրկչի վանացն: Ի թուին ՌՃԺԶ (1667)ումն յուլիս ամսոյ ԻԸ (28): Ես Մէլիք Աղէ որդի՝ Աղա Խաչիկս, որ մանչուր (հռչակաւոր) Պզտիկ աղայս անորդի, իմ յօժարութեամբն վերոյգրեալ հինգ զրեանքն վախմ (վագֆ) եւ յիշատակ արարի Սր. Ամենափրկչի վանացն, մօրիեցի (կնքեցի) վկայութեամբ: (քառակուսի կնիք ԱՂԱ ԽԱՉԻԿ)»:

«Ես Սինանի կողակից Մարիամս, ես Սինանի դուստր Սօլթանիաչէ, եւ ես Սինանի որդի Իսրայէլս, այս վերոյգրեալ զրեանցս՝ որ են հինգ, Ամենափրկչին վախմ (վագֆ) արարինք մեր կաման եւ մեր յօժարութեամբն: Ես Բազումի դուստր Նաշխունս¹⁷, իմ յօժարութեամբն այս վերոյգրեալ հինգ զիրքն Սր. Ամենափրկչին վախմ (վագֆ) եւ յիշատակ տուաք, վասն իմ ծնողաց հոգւոյն, որ միաբանքն կարդան, մեր ծնողաց հոգւոյն ողորմեսցի ասեն եւ մեզ եւս»:

Այս ընծայագրին համաձայն, մագաղաթեայ Աստուածաշունչը, ոսկեկազմ (ոսկէ տուփ, «Դատամբօլու բանն», այսինքն՝ Կ. Պոլսոյ ոսկերիչի գործ, մէկն էր այն հինգ զիրքերէն: Միւս չորսը թղթեայ էին. Միխայէլ Ասորիի ժամանակագրութեան օրինակ մը, գուցէ այժմ վանքին հաւաքման թիւ 243ը, գրուած Քրիստոսի 1248 թուականին. «Հարցմունք»ը՝ Գրիգոր Տաթեւացիի «Գիրք Հարցմանց» հատորի մէկ օրինակը ըլլալու է, «Դատաստանագիրք»ը՝ հաւանաբար Գօշինն է, գուցէ վանքի հաւաքման թիւ 105ը, իսկ «պատմագիրքբառգիրք»ը յայտնի չէ թէ ինչ է: Գուցէ խնամքով կատարուած քննութիւն մը, վանքին ձեռագրական հաւաքման մէջ, կարենայ որոշել այս հինգ ձեռագիրները:

Մէլիք Աղայի ձեռագիրները ցոյց կու տան թէ զրքի մարդ էր ան, եւ սովորական ձեռագիրներէ աւելի մասնագիտական հատորներ հաւաքած ըլլալը նշան է թէ բաւականաչափ կրթուած անձ մըն էր, պատմական ու կանոնագիտական հարցերով շահաքրքրուող:

Մէլիք Աղայի կինը կը կոչուէր Նաշխուն:

Մէլիք Աղայ շատ երկար չ'ապրիր. կը վախճանի 1622 թուականին, ըստ իր տապանագրութեան, զոր նոյնպէս անձամբ արտագրած եմ 1972ին, Նոր Զուղայի գերեզմանատան մէջ, այս գերեզմանին

17. Այս Բազումը՝ Խօջայ Խաչիկի որդին էր (եղբայր՝ Խօջայ Սաֆարի), որ աղջիկ մը ունէր՝ Նաշխուն անունով: Պէտք է շփոթել Մէլիք Աղայի կնոջ՝ Նաշխունին հետ: